



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 483. Usque Ad Annum 561.

Fleury, Claude

August. Vind. [u.a.], 1759

VD18 90117824

§. 45. S. Clodoaldus.

[urn:nbn:de:hbz:466:1-66066](https://nbn-resolving.org/urn:nbn:de:hbz:466:1-66066)

Sæculum VI.
A. C. 535.

§. XLV.

S. Clodoaldus.

Sup. n. I.
Greg. III.
Hist. c. 18.

Clodomirus a Burgundionibus anno
524. occisus, tres filios tenera ætate
reliquit Theobaldum, Guntharium &
Clodoaldum, quos Clotildis ipsorum A-
via Parisiis in suo conspectu educari cu-
rabat. Cum hos unice diligeret, timuit
Childebertus, ne ipsa instigante Reges
a populo proclamarentur. Igitur misit,
qui secreto Clotarium Fratrem suum
Parisiis accerferet, ut communi consilio
decernerent, quid cum pueris agendum;
an abscissis capillis in plebis sortem es-
sent redigendi, an morte tollendi, &
Clodomiri Regnum inter se dividendum.
(Familia Regia hæc erat Prærogativa, ut
ex ea progeniti promissos capillos nutri-
rent) Clotarius comperto Fratris con-
silio lætus Parisios venit, dum Childe-
berto jubente rumor de industria spar-
gitur, congregari Fratres Reges, ut Pupil-
los in solium eveherent. Ad Reginam
Matrem mittunt, qui pueros accerferent,
Reges proclamandos. Clotildis mulie-
bri lætitia exiliens, bene prius prandere
Nepotes iussos mittit ad Patruos, adje-
ctis his verbis: *Filii mei jacturam non
sentiam, si vos in Solio ipsius sedentes
conspexero.*

Ubi

Ubi ad Patruos pervenerunt, com-
prehenduntur, a famulis & Moderatori-
bus avelluntur. Tunc vero Childeber-
tus & Clotarius Arcadium exploratæ fi-
dei hominem ad Clotildem cum forvi-
ce & nudo gladio mittunt, jubentque
dicere: *Reges filii tui interrogant, quid
his pueris fieri velis; an eligas, ut abscis-
sis capillis vivere sinantur, an ut ambo
jugulentur.* (Nam duo tantum ætate
majores capi potuerant, & tertium fidi
homines periculo eripuerant) Clotildis
hoc Nuncio exhorrens atque doloris si-
mul & iracundiæ impetu abrepta excla-
mavit: *Si regnare non permittitis, malo
videre mortuos quam tonsos.* Arcadius
improba scdulitate ad Reges reversus
ait: *Facite, quod decrevistis. Consen-
tit Regina.* Illico Clotarius Theobal-
dum Nepotum suorum natu majorem
decennem brachio arreptum & humi
afflictum sica infra axillam perforat &
interimit. Fratris ejulatu perterritus
Guntharius septennis ad Childeberti
pedes provolutus amplexusque genua
inter copiosas lacrymas clamabat: *Ca-
rissime Pater! prohibe! ne occidar, sicut
frater meus.* Childebertus vultu lacry-
mis madente ad Clotarium conversus
ait: *Frater mi! rogo te, ut amore mei
huic puero vitam dones. Quidquid in vi-
cem petieris, lubens dabo.* At Clotarius

Sæculum VI.
A. C. 535.

Sæculum VI. superante rabie respondit: *Puerum mihi*
A. C. 535. *cedes, aut tu pro ipso morieris. Tu me*
huc adduxisti! & tam subito mente mu-
tata fidem frangis? Childebertus pue-
 rum rejecit, quem Clotarius apprehen-
 dens trepidantis latus eadem sica, qua
 fratrem confoderat, haurit. Tum con-
 scenso equo, ac si nihil mali adeo fecisset,
 revertitur. Childeberto quoque ad
 prædia sua digresso, postea Clodomiri
 Regnum partiti sunt. Ita impletum est
 Vaticinium S. Aviti Abbatis Miciensis,
 dum Clodomirum Regem cohibere co-
 nabatur, ne Sigismundum, & liberos e-
 jus necaret. Clotildis Regina Nepotum
 suorum corpora Sarcophago immissa lu-
 ctu ingenti usque ad Ecclesiam S. Petri
 sequebatur, ubi inter Psalmorum cantus
 sepulta sunt. Exinde Regina Turonem
 se recepit, ubi reliquos vitæ annos in o-
 ratione continua, vigiliis, & omnium
 virtutum operibus transegit. Præter
 eleemosinas, quas privatis largiebatur,
 etiam Ecclesiis, Monasteriis & omnis ge-
 neris Domibus Pietatis causa fundatis
 agros munifice donabat. Tandem annis
 & meritis onusta Turone Sedente Epis-
 copo Injuriioso circa annum 545. ex hoc
 mundo abiit. Corpus ejus Parisios trans-
 latum atque a filiis ejus Childeberto &
 Clotario in Sanctuario ejusdem Ecclesiæ
 S. Petri pone Regem Clodoveum Ma-
 ritum

Sup. n. 1.
Greg. III.
hist. c. 6.

ritum sepultum est. Hæc est S. Genovefæ Ecclesia, quam Clotildis ædificaverat. Reliquiæ ejus hodieque ibi existunt, atque Ecclesia 3tia Junii ipsius Memoriam honorat.

ſæculum VI.

A. C. 535.

Mart. Rom.

3. Jun.

Clodoaldus junior Clotarii ſævitia ereptus capillis ſua manu ſibi abſciſſis Mundo valedixit, & ad S. Severinum prope Parisios in Cellula incluſum ſe contulit. Habitu Monastico ab eo accepto, iisque, quæ ſibi de Bonis paternis relicta fuerant, in Monasteria & Eccleſias collatis, rigidam admodum Monachorum vitam duxit. Deinde ut laudes hominum fugeret, eſſetque ignotus omnibus, in Provinciam peregrinatus, diu ibi manſit. Non nullis editis miraculis Parisios reverſus & maximo omnium gaudio exceptus rogante populo ab Eusebio Episcopo circa annum 551. Presbyter ordinatur. Tandem *S. Cloud*, (ita enim vernacula noſtra Clodoaldum vocamus) exstructo Monasterio in loco, quem *Novigent* dicebant, leucis duabus infra Parisios in ripa Sequanæ ſito, poſt vitam ſanctam anno 560. migravit ad Dominum. Monasterium poſteriore ætate in Eccleſiam Collegiatam mutatum Sancti Reliquias conſervat, & locus ab ipſo Nomen habet. Eccleſia S. Clodoaldi memoriam ſeptima Sept. colit. Primus is eſt, qui

Id. III. c. 18.

Act. SS.

Ben. p. 137.

Martyr.

7. Sept.

Ll 4

ex

Sæculum VI. ex Genere Regum Francorum Sanctis
A. C. 535. accensetur.

§. XLVI.

Monasteria in Galliis.

Greg. vit.
PP. c. 5.

Jam illa ætate in Galliis florebant plurima Monasteria, & Sancti Anachoretæ, ex quibus, ne longus sim, tantum celeberrimos memorabo. Civitas S. Porciani in finibus Arvernix & Agri Borbonensis posita originem suam debet cuidam Monasterio, ad quod Porcianus barbari Domini mancipium sæpe confugiebat, ut se furentis Heri crudelitati eriperet. Tandem in eodem susceptus & ob vitæ merita Abbas electus est. Cum Viri Virtutes & Miracula eidem apud Regem Francorum Theodoricum in Arvernia anno 525. bellum gerentem Venerationem peperissent, Rex ipsius precibus multis captivis libertatem reddidit. Ecclesia S. Porciani Memoriam honorat 24. Nov. sed ipsius Abbatia annis abhinc octingentis in Prioratum Benedictinorum, Abbatix Turnensi subjectum, redacta est. Monasterium quoque Combrundense in Arvernia in Prioratum Abbatix Menatensis in eadem Provincia mutatum.

Mart. Rom.
 24. Nov.

Hæc Abbatia jam Clodoveo regnante fundata Magnorum Sanctorum, atque inter alios SS. Calasii & Aviti Seminarium